

Cofnodion o sesiynau galw heibio yn Llyfrgell Cathays

- 15 Mai 2023
- 25 Mai 2023
- 07 Mehefin 2023



Rhaglen Trefniadaeth Ysgolion
Cofnod Sesiwn Galw Heibio
Llyfrgell Cathays
15 Mai 2023



Yn bresennol: Rosalie Phillips (RP), Shirley Karseras (SK), Cai Maxwell (CM)

Sylwer: Nid trawsgrifiad yw'r canlynol, ond nodyn o'r cyfarfod a wnaed ar y pryd.

Daeth chwe aelod o'r cyhoedd i'r sesiwn galw heibio yn Llyfrgell Cangen Cathays ynghylch y newidiadau arfaethedig i ddarpariaeth ysgolion cynradd sy'n gwasanaethu'r ardal. Amlinellir y pwyntiau a godwyd, isod.

Roedd gan ddau riant, y ddau â phlant yn Ysgol Gynradd Allensbank sy'n byw yn lleol bryderon ynghylch y cynigion a'r broses ymgynghori:

- Nid oes data caled ar gyfer cynyddu addysg cyfrwng Cymraeg i 420 o leoedd. Credu bod hyn ar draul Allensbank sy'n cynnig lleoedd sy'n berthnasol i'r gymuned a sawl ffydd.
- Pryder y byddai'r nifer cynyddol yn Ysgol Mynydd Bychan yn annog disgyblion o ardal ehangach, y tu allan i'r dalgylch, gan gynyddu traffig. Byddai hyn yn niweidiol i amgylchedd yr ardal leol a byddai'n peryglu diogelwch plant gan fod yr ardal eisoes yn llawn tagfeydd gyda chyfyngiadau parcio.
- Credu bod y cynnig yn dangos hiliaeth achlysurol ac nad oedd unrhyw wynebau nad oeddent yn wyn yn cael eu defnyddio yn y dogfennau ymgynghori.
- Beirniadu amserlennu'r sesiwn galw heibio.
- Nid oedd gwybodaeth wedi'i chynhyrchu mewn ieithoedd lleiafrifol gan alluogi aelodau o'r gymuned y mae'r Saesneg yn ail iaith iddynt gyfrannu at yr ymgynghoriad; angen blaenoriaethu Arabeg.
- Credu y bydd y cynigion yn creu system a fydd yn gorfodi pobl i ddewis addysg Gymraeg.
- Cydnabuwyd Cymraeg 2050 ond gofynnwyd pam na allai Allensbank weithio tuag at fodel cyfrwng Cymraeg.
- Ysgol Noddfa yw Allensbank ac mae angen i ddisgyblion ddysgu Saesneg. Ddim yn credu y byddai pobl sy'n cyrraedd yr ardal yn dymuno dewis addysg Gymraeg.
- Gofynnwyd a oedd unrhyw gynlluniau gan y Cyngor i gyfyngu ar nifer y Tai Amlfeddiannaeth yn yr ardal gan fod mwyfwy o fyfyrwyr yn byw yn yr ardal a llai a llai o deuluoedd y byddai angen lleoedd mewn ysgolion arnynt.

Cododd rhiant disgybl ar fin dechrau yn Ysgol Mynydd Bychan y canlynol:

- Rhyddhad o weld bod ehangu YMB ar fin ddigwydd o'r diwedd; roedd y cynnig diwethaf ar gyfer trefniadau dros dro yn ofnadwy. Roedd wedi symud i'r ardal er mwyn i'r plentyn hwnnw allu mynychu Ysgol Mynydd Bychan ac roedd yn bryderus iawn na fyddai'n cael ei dderbyn oherwydd bod yr ysgol wedi'i gordansgrifio mewn blynyddoedd blaenorol.
- Hoffai weld capasiti'r Cylch Meithrin yn cynyddu i ddarparu sesiwn brynhawn ond nid oedd y Cylch wedi gallu dod o hyd i lety addas; gallai safle Allensbank gefnogi hyn o bosibl os cytunir ar y cynnig.

- Holwyd beth fyddai'n digwydd i Allensbank a meddwl bod uno ag Ysgol Gynradd Gladstone a symud Santes Monica yn syniad da iawn.
- Er yn byw mewn ardal Dechrau'n Deg, nid oes darpariaeth cyfrwng Cymraeg gerllaw felly nid oedd modd ei defnyddio.
- Hefyd yn ystyried dechrau Ti a Fi ar gyfer yr ardal.

Cododd rhiant i blentyn yn Ysgol Gynradd Allensbank y canlynol:

- Mae Saesneg yn ail iaith i'r teulu ac nid yw'n teimlo mai dyma'r penderfyniad iawn ar gyfer prifddinas Cymru.
- Pam mae ysgolion Cymraeg yn cael mwy o arian nag ysgolion cyfrwng Saesneg?
- A fydd digon o staff ar gael i ateb y galw am ddarpariaeth cyfrwng Cymraeg - materion ar lefel gynradd ac uwchradd.
- Pryder na fydd digon o leoedd cyfrwng Saesneg ar gael wrth symud ymlaen i blant o deuluoedd sydd â'r Saesneg fel iaith ychwanegol nad ydynt eisiau'r Gymraeg.
- Pryderon y bydd effaith ar addysg.
- Dylai rhieni ddysgu mwy o Gymraeg.

Cododd dau riant i blant yn Ysgol Gynradd yr Eglwys yng Nghymru Santes Monica y canlynol:

- Dim problem gyda'r ysgol yn symud ond yn pryderu y byddai statws Gwirfoddol a Gynorthwyr yr ysgol yn newid. Dywedodd swyddogion nad oedd cynnig i newid statws yr ysgol fel rhan o'r newidiadau arfaethedig.



Rhaglen Trefniadaeth Ysgolion
Cofnod Sesiwn Galw Heibio
Llyfrgell Cathays
25 Mai 2023



Yn bresennol: Rosalie Phillips (RP), Ceri Tanti (CT), Cai Maxwell (CM)

Sylwer: Nid trawsgrifiad yw'r canlynol, ond nodyn o'r cyfarfod a wnaed ar y pryd.

Daeth pedwar aelod o'r cyhoedd i'r sesiwn galw heibio yn Llyfrgell Cangen Cathays ynghylch y newidiadau arfaethedig i ddarpariaeth ysgolion cynradd sy'n gwasanaethu'r ardal, a chodwyd y pwyntiau canlynol:

- Llai o ddewis ysgol i rieni os yw'r ysgolion yn uno. Mae gan bob ysgol ei ffordd ei hun o wneud pethau, awyrgylch ac ati, ac ar hyn o bryd gall rhieni gael dewis o'r tair ysgol cyfrwng Saesneg ar gyfer yr un sy'n gweddu orau iddyn nhw.
- Poeni am golli hanes yr ysgolion. Mae cenedlaethau o'r teulu wedi mynychu.
- Dim eisiau colli teulu'r ysgol yn Gladstone, gan fod yr ysgol yn gefnogol iawn.
- Mae rhiant i blentyn ag awtistiaeth sy'n mynychu Gladstone sydd angen cynefindra a threfn gadarn, yn teimlo bod hyn yn aflonyddgar iawn.
- O blaid cynyddu lleoedd cyfrwng Cymraeg, ond nid ar draul y rhai nad ydynt yn siarad Cymraeg.
- Pryder ynghylch sut y bydd rhieni nad ydynt yn siarad Saesneg yn cymryd rhan yn yr ymgynghoriad, yn gofyn sut maen nhw'n cael eu hannog; *hysbyswyd bod crynodebau ymgynghori yn cael eu cyfieithu i ieithoedd cymunedol, a bod sesiynau'n cael eu cynnal yn y pedair ysgol i siarad â rhieni.*
- A fyddai'r Cyngor yn ystyried symud Ysgol Mynydd Bychan i safle Ysgol Gynradd Gladstone/Ysgol Gynradd yr Eglwys yng Nghymru Santes Monica? Gan y byddai hyn yn gwasanaethu rhan ddeheuol y dalgylch yn well sy'n rhedeg heibio canol y ddinas; os bydd nifer y lleoedd yn yn cynyddu i 420 bydd angen mwy o ddisgyblion o'r pen deheuol.



**Rhaglen Trefniadaeth Ysgolion
Cofnod Sesiwn Galw Heibio
Llyfrgell Cathays
07 Mehefin 2023**



Yn bresennol: Rosalie Phillips (RP), Ceri Tanti (CT), Cai Maxwell (CM)

Sylwer: Nid trawsgrifiad yw'r canlynol, ond nodyn o'r cyfarfod a wnaed ar y pryd.

Daeth pedwar aelod o'r cyhoedd (tri ohonynt yn rhieni i blant oedd yn mynychu Ysgol Mynydd Bychan, ac un â phlentyn yn mynychu Ysgol Gynradd yr Eglwys yng Nghymru Santes Monica) i'r sesiwn galw heibio yn Llyfrgell Cangen Cathays ynghylch y newidiadau arfaethedig i ddarpariaeth ysgolion cynradd sy'n gwasanaethu'r ardal a chodwyd y pwyntiau canlynol:

- Dywedodd rhiant Ysgol Mynydd Bychan fod teimladau cymysg am yr ysgol yn ehangu - gan fod yr ysgol yn fach mae llawer o bobl yn adnabod ei gilydd, ac mae'n gymuned glos, a allai gael ei cholli pe bai'r ysgol yn fwy. Fodd bynnag, mae'n gwerthfawrogi bod pobl wedi cael trafferth cael lle, ac mewn rhai achosion wedi cael trafferth cael eu teulu yn yr un ysgol gan fod rhai wedi gorfod cael lle mewn ysgol cyfrwng Cymraeg y tu allan i'r dalgylch ac yna'n methu â chael lle i frodyr a chworydd iau yn yr un ysgol.
- Eisiau sicrwydd y byddai digon o leoedd yn yr ysgol uwchradd Gymraeg pe bai'r ehangu yn dod â mwy o blant i addysg Gymraeg.
- Pryder bod Allensbank yn adeilad rhestredig, gan deimlo y gallai'r ysgol fod wedi'i chyfyngu o ran y newidiadau y gellir eu gwneud ac y gallai unrhyw newidiadau fod yn ddrytach oherwydd statws yr adeilad. Ymwybodol bod arian grant ar gael i'w wario ar yr ysgol cyfrwng Cymraeg ond efallai na fydd yn cael llawer am yr arian gan y gallai fod yn fwy costus i wneud gwaith.
- Deall bod plant ym Mlynnyddoedd 1, 2, 3 yn cael mynediad i'r awyr agored yn Ysgol Mynydd Bychan, rhywbeth maen nhw wedi gweithio'n galed i'w adeiladu, mae plant yn cael mynediad am ddim i'r tu allan o'u hystafelloedd dosbarth. Ansicr a yw'r trefniant hwn ar waith neu'n bosibl yn Allensbank neu a fyddai'n gyfyngedig oherwydd ei statws rhestredig.
- Pryder bod y lle awyr agored sydd ar gael yn Allensbank yn llai fesul disgybl nag Ysgol Mynydd Bychan, os oedd yr ysgol yn llawn.
- Ar hyn o bryd, mae Ysgol Mynydd Bychan yn mynd â phlant i wneud chwaraeon awyr agored ym Mharc Maendy ac yn poeni am golli hyn fel lle i'r plant wneud chwaraeon.
- Mae safle Allensbank yn apelio gan nad yw mor agos i'r brif ffordd.
- O ran opsiynau, teimlo y gallai ysgolion cyfrwng Saesneg deimlo'n ddig gan ei bod yn ymddangos fel pe bai ysgolion cyfrwng Cymraeg yn cael holl fanteision y cynigion.
- Dylai opsiwn o leoli Ysgol Mynydd Bychan ar safle Gladstone/Santes Monica fod wedi ei gynnwys yn yr ymgynghoriad; er ei bod yn agos i gyffordd brysur, byddai'n fwy canolog yn nalgylch Ysgol Mynydd Bychan felly byddai'n fynediad haws i bobl i'r de o'r dalgylch.

- Byddai cymysgedd mwy amrywiol o gefndiroedd o fudd i ysgolion Cymraeg; sut mae'r Cyngor yn mynd i hyrwyddo'r Gymraeg i'r gymuned ehangach?
- Beth fyddai'r effaith ar ysgolion Cymraeg eraill?
- Byddai mwy o le o fudd i blant sy'n mynychu'r ysgol ac sydd ag anghenion dysgu ychwanegol, i ganiatáu ar gyfer manau tynnu allan, ac ati.
- Yn cefnogi'r angen am ddarpariaeth Gymraeg ychwanegol yn yr ardal.
- Mae agosrwydd safle Allensbank i safle presennol yr ysgol yn gadarnhaol, gan fod llawer o deuluoedd yn byw'n agos iawn i'r ysgol.
- Croesawu'r cyfle i symud i Ysgol Mynydd Bychan, a fyddai'n rhoi cyfle i Ysgol Gynradd yr Eglwys yng Nghymru Santes Monica gael meithrinfa, gan fod yr ysgol yn colli rhai plant i ysgolion eraill sydd â meithrinfa ar hyn o bryd.
- Teimlwyd y byddai Santes Monica yn elwa ar fwy o le awyr agored ar safle Ysgol Mynydd Bychan pe bai'r symud yn mynd yn ei flaen.